

# Jém carta jém jayñetawiiip jém hebreopic pixiñtam

Dios icutsat jém iMānic yíp  
naxyucmi iga iñmađiñ

**1** Wiñigam Dios ijyáy waćciy  
jém tanjatuwewetam.  
Varios forma ijyáy. Chiića jixi  
jém wiñicpic aḡmaćciwiñ iga  
iñmadayyajĩñ jém Dios ipixiñtam.  
<sup>2</sup>Pero siip yíp ocmipic tiempo Dios  
icutsat iMānic iga taḡmadáyiñ.  
Yíptim Dios iMānic cupiḡta iga  
imiichap ítumpiy jém Dios imiichi.  
Jeeřim iMānic iwaganayoxa Dios  
cuando mu iwatyaj ítumpiy cosa  
jém ítwiip yíp naxyucmi y jém  
ítwiip siñyucmi. <sup>3</sup>Agui pimi  
wĩtsocpa jém Dios iMānic juutřim  
jém tanJatuḡ Dios. Jextim ipimi.  
Jeeřim mismo icuwiñ juuts jém  
tanJatuḡ Dios. Yíptim Dios iMānic  
iniif iciijom ítumpiy jém Dios iwaći  
iga iwatpa cuenta con Dios iḡmaći  
jém iniifwiip ipimi. Jesic cuando  
yaj tacujicháyáy jém tantāñca, nic  
coñi siñyucmi jém tanJatuḡ Dios  
itrono iḡwićiimi.

Jém Dios iMānic más mij que  
jém siñyucmipic pxiñ

<sup>4</sup>Accámta jém Dios iMānic juuts  
tūm más mijpic aḡjagooyi que jém

siñyucmipic pixiñtam. Ipićtsoḡne  
jeeřim iJatuḡpic iñiyi y jém iJatuḡ  
ipimi, jeeyucmi más wiap que jém  
siñyucmipic pixiñtam. <sup>5</sup>Porque  
Dios da nunca iñímáy ni tūm  
siñyucmipic pxiñ:

Mich mamMānic. Yíp jama  
mammanigap.

Đařim iñímáy Dios tūm  
siñyucmipic pxiñ:

Mich anJatuḡ, ich mammanic.

<sup>6</sup>Pero cuando Dios inimiñ yíp  
naxyucmi jém Wiñtipic iMānic,  
nimpa Dios:

Wi iga ítumpiy jém siñyucmipic  
pixiñtam ijysyajiñ jém Dios  
iMānic.

<sup>7</sup>Dios iḡmatpa de jém siñyucmipic  
pixiñtam cuando nim:

Dios icsetpa jém siñyucmipic  
pixiñtam juuts sawa.

Icsetpa jém icuyoxayajpaap  
juuts tūm jucti tsam pimi  
yótpa.

<sup>8</sup>Pero Dios iḡmatpa de jém iMānic  
cuando nim:

Mich miDios. Mich minjagooyi.  
Đa nunca miputpa iga  
minjagooyi.

Iññuumanjacpa jém pixiñtam.

<sup>9</sup>Tsam iñtoypa jém wićic jixi.

Tsam iñjójyixpa jém malopic jixi.  
Jeeyucmi micupiñ Dios, mich  
iñDios,  
más micmaymáyp que itumpiy  
jém iñwaganasiyjaapa.

<sup>10</sup>Nimítim Dios:

Mich miQmi.

Mich iñwat yíp mundo cuando  
moj ífi itumpiy cosa.

Iñwattim jém siñ con iñci.

<sup>11</sup>Cuyajpa jém siñ y jém nas, pero  
mich da nunca micuyajpa.

Michýpa para siempre.

Widáyap jém siñ y jém nas juuts  
tüm yootí.

<sup>12</sup>Impacspa jém siñ y jém nas  
juuts tüm puctucu.

Iñcucacpa juuts yootí.

Pero mich da nunca micucacpa.

Ni da nunca micuyajpa.

<sup>13</sup>Dios da nunca iñímáy ni tüm  
siñyucmipic pixiñ juuts iñímáy jém  
iManic:

Coñi yim anañwimi hasta  
que manaccoñwýpa jém  
iñenemigoyaj.

<sup>14</sup>Jém siñyucmipic pixiñtam tüm  
anama. Icuyoxayajpa Dios. Jeeyaj  
cutsatyajta iga iyoxpáyajiñ jém  
pixiñtam jém ipictsoñyajpáppic jém  
wibic añmafi iga ciacputyajtap.

**Wati cuenta iga da iñchacpa  
jém wibic añmafi**

**2** Jeeyucmi wi iga más pimi  
tañwadaytámiñ caso jém  
wibic añmafi jém tammatoñnewiip  
iga odoy tantsactámiñ jém wibic  
tuñ. <sup>2</sup>Wiñigam jém siñyucmipic  
pixiñtam inimiñyaj jém  
wiñicpic añquímayooyi. Tsam  
wiñquejpa iga da je miñooyi. Jém  
imalwatneyajwiip, jém ápic

icupicyaj, chiijayta castigo  
conforme juuts iwat. Siiga chiijayta  
castigo jém ápic icupicyaj jém  
wiñicpic añquímayooyi, <sup>3</sup>¿jesic  
jutsap tañciput taichfam de jém  
mijpic castigo siiga da tañwadap  
caso jém wibic añmafi iga Dios  
wiap taciapcut? Jém tánQmi  
Jesucristo oy yíp naxyucmi  
iga iñmadáy jém pixiñtam jém  
wibic añmafi. Jesic ocmi jém  
imatoñneyajwiip jém wibic añmafi  
tañmadáypatim taichtam iga da  
je miñooyi. <sup>4</sup>Dios iñquejáytim jém  
pixiñtam iga numa jém iñmafi  
con wafi jém milagro, jém seña  
y jém cosa ápic oypa tánix. Jém  
pixiñtam chiijaytatim jém Dios  
iAnama ianamañjom iga wiañ  
iwatyaj juuts ixunpa Dios. Cada  
tuntum chiitap tuñgac yoxacuy  
juuts iwianjam Dios.

**Jesucristo wiap iyoxpát jém ipixiñtam**

<sup>5</sup>Dios da iccámpajém siñyucmipic  
pixiñtam juuts añjagooyiyaj iga  
iñjacpa jém jomipic naxyucmi  
jém miñpáppic, jém siipaap  
manañmadáy. <sup>6</sup>Íf juñ jaycámnetā,  
nimpa:

ManJatun Dios, ¿tiapaap jém  
pixiñ iga tsam iñjísipa?  
¿Tiiga tsam iñyoxpátpa jém  
nayñewiip yíp naxyucmi?

<sup>7</sup>Iñchac jém nayñewiip yíp  
naxyucmi juuts da ti wiap,  
más quetne jém ipimi que jém  
siñyucmipic pixiñtam.

Pero ocmi jém nayñewiip yíp  
naxyucmi chiitap autoridad  
juuts tüm mijpic añjagooyi  
iga iñjacpa itumpiy cosa jém  
michpic iñwatne.

<sup>8</sup> Ciijuṅcodayñeta íṭumpiy cosa iga injacpa.

Cuando Dios ichac iga injacpa íṭumpiy cosa, da i ni tum cosa jém ḍapic injacpa. Pero siip ḍanam quejpa iga injacpa íṭumpiy cosa.

<sup>9</sup> Jém Jesucristo tsíy tum rato juuts tum pixiñ da ti wiap. Más da wiap que jém siñyucmipic pixiñtam. Pero siip tánixpa iga jém tánQmi Jesucristo accámṭa juuts tum mijpíc aṅjagooyi, tsam cujítap porque tsam yaachwatta cuando accaata cunusyucmi. Agui tatoyámpa Dios, jeeyucmi ijíc iga accaata jém Jesucristo para íṭumpiy jém pixiñtam.

<sup>10</sup> Íṭumpiy cosa jém íṭwiip jém Dios imiichi, je iwati. Ixunpa Dios iga jém imanictam iwaganaiyajiñtim juṭ wicom, juṭ íṭ Dios. Jeeyucmi ijíc iga tsam yaachwadayta jém túmpic iManic iga wiañ iciacput jém pixiñtam. <sup>11</sup> Jém Jesucristo iJatuj tanJatujtim porque tawitsagayta jém tantañca. Jeeyucmi jém Jesucristo da tsaap cuando tanimáypa iga: Mantiwitam.

<sup>12</sup> Yiimpic nim jém Jesucristo: ManJatuj Dios, anaṅmadáypa jém antiwitam juutspic miDios.

Maṅwánáypa jém himno juṭ aṅtuumayajpa jém immanictam.

<sup>13</sup> Nimítim jém Cristo:

Ich tsam aṅcupicpa iga Dios wiap ayoxpát.

Eybictim nimpa:

Yiim aṅwaganaiṭta jém ammanictam, manJatuj Dios, jém anchiñewiip.

<sup>14</sup> Tum pixiñ imanictam jextim imayi y jextim iñiipiñ. Jesanefim jém Jesucristo, jextim iñiipiñ y jextim imayi juuts taichtam. Jeeyucmi miñ juuts taichtam iga wiañ ica. Jempigam iccuyajáy jém Wocciwiñ ipimi jém wiapaap tacca. <sup>15</sup> Jempigam iwat iga wiañ iciacputyaj jém pixiñtam jém icinyajpáppic iga caaba, porque íṭumpiy ivida tsíyñeyaj idic juuts esclavo. <sup>16</sup> Porque da oy yíp naxyucmi jém Jesucristo iga iyoxpátpa jém siñyucmipic pixiñtam, pero oy iga iyoxpátpa jém Abraham imanictam, jém Israelpic pixiñtam. <sup>17</sup> Jeeyucmi tsíy jém Jesucristo juuts jém itiwitam, yíp naxyucmipic pixiñtam, iga wiañ iwat jém cobapic panij iyoxacuy jém Dios iwiñjom. Jém Jesucristo tum panij jém tsampic tayaachanjampa y wiap iccupac titam tajiyámayñe. Iccáyáypa jém pixiñtam itañca iga ipictsóñiñ Dios. <sup>18</sup> Tsam yaachwatta yíp naxyucmi jém tánQmi Jesucristo, tsam cutítsta, jeeyucmi wiap tayoxpátta cuando tacutítstamtap.

### Más mijpíc cargo chiíta Jesucristo que jém Moisés

**3** Jesic mantiwitam, jém cuayñewiip iñanama, micupineta iga michíyámpa juuts Dios mimiichitam. Siip jistaami jém tánQmi Jesucristo, jém icutsatnewiip Dios, jém cobapic panij de jém wibic aṅquímayooyi, jém taṅcupicpáppic. <sup>2</sup> Cuando oy íṭi yíp naxyucmi iccupac íṭumpiy cosa juuts ixunpa Dios, jém iccámnewiip iga iwatpa jém Dios iyoxacuy. Jextim iwat juuts

jém Moisés cuando iccupac juuts ixunpa Dios icuwífi jém Dios íficcíim. <sup>3</sup>Másim pími cujíptap Jesús que jém Moisés, juuts jém iwatpáppic tum tic más cujíptap que jém tic jém watnetawíip. <sup>4</sup>Porque ífumpiy ticyaj píxiñ iwáfi, pero Dios iwat ífumpiy jém ífyajwiip. <sup>5</sup>Numa jém Moisés iccupac ífumpiy cosa juuts ixunpa Dios. Icuyoḡa Dios juuts tum mozo icuwífi jém Dios íficcíim. Jém Moisés iyoxacuy iga inmatpa jém aḡmáfi jém ocmípic inmatpa parejo jém Cristo. <sup>6</sup>Pero jém Jesucristo, jém Dios iManic, imíichi jém tic. Taichfam jém tatic. Tsam tamaymay siiga seguido taḡcupicpa y da tantsacpa iga tanaḡjócpa tífam tajycámayñe Dios.

### Jejyajpa jém Dios ipixiñtam

<sup>7</sup>Jeeyucmi juuts nimpá jém Dios iAnama:  
Siiga yíp jama immatoḡpa Dios ijíyi,  
<sup>8</sup>Odoy camamwáti íñanama.  
Odoy jistaami iga da  
inḡcupictámpa juuts iwatyaj  
jém wiñicpic pixiñtam  
cuando tsucumyay acontra de  
jém Moisés jém titsinaxyucmi.  
Tsam icutitsyay Dios siiga numa  
ichiiba castigo.  
<sup>9</sup>Jemic jém wiñicpic  
iñjatunḡewetam tsam  
acutítsyajpa, nimpá Dios.  
Cuarenta amtíy iixyay jém wibic  
milagro jém aḡwadayñewiip.  
<sup>10</sup>Jeeyucmi anjójix jeeyaj, jém  
ífyajwiip jesañ tiempo.  
Siempre jixifogoyay  
ianamanḡom, da nunca  
iixpicayaj jém antun.

<sup>11</sup>Jeeyucmi anjójixyay jeeyaj y  
anjycámáy iga da nunca  
tigíyyajpa juḡ wícom juḡ  
jejyajpa con aich.

<sup>12</sup>Mantiwítam, nawattamtaji  
cuenta iga ni tum de mimichfam  
odoy iniidiñ jém malopíc jixi  
íñanamanḡom jém mictsacpáppic  
iga inḡcupicpa Dios jém vivopíc.

<sup>13</sup>Naḡquímtamtaji con jém  
iñtiwítam cada jama iganam íf  
tiempo iga odoy mimigóyáyiñ jém  
tánca jém ítwiip íñanamanḡom  
iga ni tum de mimichfam odoy  
michýyiñ juuts enemigo con Dios.  
<sup>14</sup>Siiga seguido taḡcupicpa iga Dios  
wiap tayoxpát hasta jém íḡaḡpigam  
jama juuts cuando moj taḡcupíc,  
jesic tanjodoḡ iga taḡwaganaiḡ jém  
Cristo.

<sup>15</sup>Jistaami junimpa jém Dios  
inḡmáfi:

Siiga yíp jama immatoḡpa jém  
Dios ijíyi,  
odoy camamwáti íñanama.  
Odoy jistaami iga da  
inḡcupictámpa,  
juuts iwatyaj jém wiñicpic  
pixiñtam cuando tsucumyay  
acontra de jém Moisés.

<sup>16</sup>¿Iapaap jém pixiñtam jém  
imatoḡneyajwiip jém Dios inḡmáfi,  
pero ocmi tsucumyay acontra de  
jém Moisés? Jeetím pixiñtam jém  
ítopneyajwiip jém Moisés jém  
naxyucmi de Egipto. <sup>17</sup>¿Iapaap  
jém pixiñtam jém tsampic ijójix  
Dios cuarenta amtíy? Jém tsampic  
imalwatyay, jém caayajwiip  
jém titsinaxyucmi. <sup>18</sup>¿Iapaap  
ijycámayñe Dios iga da nunca  
tigíyyajpa jém wícom juḡ jejyajpa  
con je? Jém dápic icupicyajpa.

<sup>19</sup>Jesic tánixpa iga jém wiñicpic pixiñtam da wią mifigiyyaj jém wıcom juť jejjajpa jém Dios ipixiñtam porque da icupicyaj iga Dios wiap iyoxpát.

**4** Dios tajiycámayñe iga íf tum lugar juť nicpa tajeji con je. Jesic iganam tanaiť jém promesa, wı iga tanawattamtaiñ cuenta iga wiąiñ inñigiyať jém wıcom juť jejjajpa jém Dios ipixiñtam. Wiip algunos de mimichťam da mifigiytámpa. <sup>2</sup>Porque taichťam tañmadayťamtaťim jém wıbic aňmaťi iga Dios taciacputpa juuts aňmadayyajťa jém wiñicpic pixiñtam. Pero jeeyaj ixajamatonyaj, da iyoxpátyaj jém wıbic aňmaťi porque da icupicyaj cuando imatonyaj. <sup>3</sup>Pero taichťam wiap tantigiťy juť jejjajpa jém Dios ipixiñtam porque tañcupic ti tanímáy Dios. Jém ďapic icupicpa da wiap ifigiyyaj. Nımpa Dios:

Tsam pımi ajóyñe jeeyucmi anjiycámáy jém pixiñtam jém ďapic acupicyajpa iga da nunca tigiyyajpa juť jejjajpa. Da ijćpa Dios aunque cupacneum jém lugar dende moj ífi yıp mundo.

<sup>4</sup>Íf juť nımpa jém Dios iňmaťi:

Jejpa Dios jém sietepic jama cuando cupacneum íťumpiy jém iyoxacuy.

<sup>5</sup>Eybictım nımpa jém Dios iňmaťi:

Da nunca tigiyyajpa juť jejjajpa con aich.

<sup>6</sup>Pero tigiypanam algunos juť jejjajpa. Pero jém wiñicpic pixiñtam, jém mojjwiip imatonyaj jém wıbic aňmaťi, da tigiyyajpa porque da icupicyaj. <sup>7</sup>Jesic eybic icupij Dios tum jama cuando jém

pixiñtam wiap ifigiyyaj juť jejjajpa. Siip núcneum jém jama. Nımpa ası jém David:

Yıp jama siiga immatontámpa fi nımpa Dios, odoy camamwati inanama.

<sup>8</sup>Meega jém Josué wią mu ininicyaj jém Israelpic pixiñtam juť jejjajpa, jesic da eybic nımpa Dios iga mińpa tuňgac jama. <sup>9</sup>Tanjodoň iga tsyňam juť jejjajpa jém Dios ipixiñtam. <sup>10</sup>Porque cuando tigiyypa tum pıxiñ juť jejjajpa jém Dios ipixiñtam, jesic quejpa iga yajum iwat jém iyoxacuy jesanetım juuts Dios jejpa cuando yaj iwat jém iyoxacuy cuando iwat yıp mundo.

<sup>11</sup>Jesic wı iga tañwattámpa empeño iga tatigiytámpa juť jejjajpa jém Dios ipixiñtam. Wiip iwatyajpa algunos juuts iwatyaj jém pixiñtam jém ďapic icupicyaj titam inímáy Dios.

<sup>12</sup>Jém Dios iňmaťi vivo y tsam iniif ipımi. Tsam tsupa, más que jém espada jém icudosladopic aňmejne. Jém Dios iňmaťi tigiyypa hasta más jojmi jém pıxiñ ianamanjom y ijixianjom. Tigiyypa hasta jém pıxiñ ipactopaanjom hasta jém pac ítuupaanjom. Tañquejáypa siiga wı jém tanjixi o da wı. <sup>13</sup>Da i ni tum cosa aňnéne jém iwatnewiip Dios, je wiap iix. Cuchichayñeta íťumpiy cosa, aňáyñe iga wiap iix Dios. Íťumpiy ijodoň Dios titam tañwatpa, tienes que ciipintap.

**Jesús jém más mijpic cobacpic panij**

<sup>14</sup>Taich tanaiťta tum cobacpic panij jém más mijpic, je jém Jesús jém Dios iManic. Nic siňyucmi jém Dios iwiñjom iga tacupujpa.

Jeeyucmi wí iga dá tantsacpa iga taŋcupicpa juuts tannímayñe. <sup>15</sup>Porque tanaiífta tũm cobacpic panij tsam tayaachanjampa cuando đanam wiap taŋwat ítũmpiy juuts ixunpa Dios, porque tsam yaacha, tsam pimi cutítsta jexłim juuts taichfam, pero je dá nunca táŋcawat. <sup>16</sup>Jeeyucmi taŋcunúctampa sin cıŋi juł coñ jém tanJatuŋ Dios, jém tsampic tatoypa. Je tsam tayaachanjampa taichfam porque agui tawixpa y wiap tayoxpát juchixquej.

**5** Ítũmpiy jém cobacpic panij cupiñneyajta yıp naxyucmi, accámnetā iga ichiiba Dios jém ofrenda y jém sacrificio para jém pixiñtam ítāŋca. <sup>2</sup>Wiap iyaachanjam jém đapic jixiyyaj, jém togoyñeyajwiip, wiaptim icutiŋ. Ijampatim cuando cutítstap. <sup>3</sup>Y como táŋcaıytim jém panij, iccaaba jém anımat iga iyojpa jém ítāŋca, jempicłim iwatpa para jém pixiñtam iga iyojáypa jém ítāŋca jém Dios iwiñjom.

<sup>4</sup>Đa i wiap iniccámta iyaac iga panij. Solamente Dios wiap iccám iga panij, juuts iccám jém Aarón. <sup>5</sup>Jesanelim jém Cristo. Đa naccámta iyaac iga jém cobacpic panij, pero Dios iccám. Nímayfta:

Mimich mammanic. Yıp jama mammanigap.

<sup>6</sup>Juuts nimpa jém tuŋgac aŋeymi, juł jayñeta:

Mich mipanij para ítũmpiy tiempo. Đa nunca miputpa.

Mijexłim juuts jém wiñicpic panij jém Melquisedec.

<sup>7</sup>Cuando jáy ífi yıp naxyucmi jém Jesucristo, tsam injwejpátpa Dios,

iwágáypa iga iyaachanjaamiñ. Pimi jiypa, agui wejpa cuando iwágáypa jém wiapaap iciacput cuando accaatap. Matóŋayfta jém Cristo porque iccupacpa juuts iññmayñe Dios. <sup>8</sup>Mex iga jém Dios iManic, inyuj iga iyaachíypa cuando yaachwattap iga más wiap iwat ítũmpiy cosa juuts ixunpa Dios. <sup>9</sup>Jesic yajum iwat jém Cristo ítũmpiy juuts ixunpa Dios, jesic wiap iciacputyaj ítũmpiy jém pixiñtam jém icupicneyajwiip. <sup>10</sup>Dios iccám jém Jesucristo iga cobacpic panij juuts jém Melquisedec.

#### Acjodóŋata iga odoy ichaguñ jém Dios inmatı

<sup>11</sup>Tsam jáyan cosa manajmadaytamtooba de jém Cristo, pero tsam táŋca manajmadáy porque mimichfam agui táŋca incutiıyyıfta. <sup>12</sup>Wiñigam moj inçuyucata jém Dios inmatı. Wiabam idic iga michıfta juuts maestro. Pero siip eybic iñxunpa iga miñquejayftaiñ jém aŋquímayooyı đapic táŋca. Como eybic inçuyucatooba jém Dios inquímayooyı đapic táŋca, mijex juuts tũm tsıxi jém iucpápic leche, jém đapic wiap icút wıccuy. <sup>13</sup>Jém iucpápic leche tũm tsıxi, jex juuts jém đapic icutiıyyıfta jém wıbic aŋmatı. <sup>14</sup>Pero jém wıccuy para jém tsamipic, jém wiapaap icutiıyyıfta jém aŋquímayooyı, wiap iciipin jup jém wıbic y jup jém malopic.

**6** Jempigam taŋwattampa hasta tanúcpa juuts tũm pixiñ jixiyywiip. Đa eybic taŋcuyucasetpa jém Cristo inquímayooyı

jém mojuwip tañcuyujca. **Da** tanatsucumsetpa eybic jém base. **Da** eybic tañcuyujcaaba jutsap tantsac jém wiñcpcic costumbre jém taccaapáppic, porque tantsacneum. **Da** eybic tañcuyujcaaba jutsap tañcupic Dios porque tañcupicneum. <sup>2</sup>**Da** eybic tañcuyujcasetpa jutsap icchinqta jém Dios ipixiñtam, ni jém costumbre cuando jém pastor ichicunuc ici jém icobacyucmi jém icupicnewiip Cristo, ni jutsap icpisyajta jém caaneyajwiip, ni jém anquímayooyi iga ciipinyajtap jém pixiñtam y chiitap castigo jém dápic cuyajpa. <sup>3</sup>Jempigam tañwattámpa siiga Dios iwianjam.

<sup>4</sup>Siiga tum pixiñ ipictsoj jém wibic juctiantsoaca, y ixucneum iga agui wí jém wibic xaja, jém tachiñewiip Dios, y ipictsojneum jém Dios iAnama, <sup>5</sup>agui iwianjam jém Dios inmati y iixñetim iga tsam wí jém Dios ipimi jém miñpáppic tachiiba. <sup>6</sup>Siiga eybic cutinpa jém pixiñ, **da** eybic wiap ichucum. **Da** eybic icucacpa jém ijixi. Porque jeeyaj iyaac sip icunúñyay cunusyucmi jém Dios iManic, tsam ixaayiyayjpa jém pixiñtam iwiñjom, <sup>7</sup>jex juuts jém nas jém iucpáppic tuj. Siiga wíputpa jém ñipñibooyi, jesic wí para jém pixiñtam jém iyoxacapaap y Dios ichi bendición jém nas. <sup>8</sup>Pero siiga chióypa jém apityaj y jém malopíc pim, **da** para tí wí. Ichiiba castigo Dios, ocmi nooquettap.

**Siiga seguido tañcupicpa, **da** i wiap tactsac jém Dios inmati**

<sup>9</sup>Pero mex iga manañmadáypa jempic, mantiwitam, mantoyfampáppic, anjodoj iga

michfam iniifta jém más wibic bendición, jém tachiñewiip Dios cuando taciacputpa. <sup>10</sup>Porque numciipinóypa jém tanJatuj Dios. Jeeyucmi **da** ijaamañnotpa tífam inwatneta y iga hasta siip tsam inyoxpátámpa jém inñiwitam jém icupicneyajwiip Cristo porque tsam inñoyfámpa Dios. <sup>11</sup>Pero ansuntámpa iga cada tumtum de mimichfam seguido inñiwattamiñ con itumpiy inñanama hasta jém inañpigam jama hasta que iccupacpa Dios tífam tajycámayñe. <sup>12</sup>**Da** ansunpa iga micutiñatamiñ, pero ansunpa iga inñiwattamiñ juuts jém pixiñtam jém inñoyajpáppic tífam ijycámayñe Dios. Ipictsoyajpa porque seguido icupicyajpa iga Dios wiap iyoxpát. Iyaachiyajpa cuando **da** jobit cupacpa jém promesa.

<sup>13</sup>Cuando Dios ijycámayñe jém Abraham, inñimáy: “Ich anyaac manjycámáypa anniyimi iga manjwíwadáypa.” **Da** i tunjac más wiapaap, jeeyucmi nimpa: “Ich anniyimi.” <sup>14</sup>Nimpa Dios: “Numa, tsam pimi manjwíwadáypa. Manchiiba tsam jáyay inñocmanictam.” <sup>15</sup>Jém Abraham tsam iyaachíypa, inñojcpa hasta que ipictsojpa tífam ijycámayñe Dios. <sup>16</sup>Cuando jém pixiñtam ijycámpa, nimyaj: Wijodios porque ijodoj iga Dios más wiap que jeeyaj y wiap ichi castigo siiga **da** inuumañmatpa. Siiga i ichacpa Dios juuts tum testigo iga **da** migóypa, jesic **da** tí más wiap inñimyaj. <sup>17</sup>Dios inquejay jém pixiñtam jém ipictsoyajpáppic jém herencia iga iccupacpa juuts ijycámayñe y **da** nunca icucacpa

ijixi. Jeeyucmi iyaac ijyácám iga dá migóypa. <sup>18</sup>Íf wisten cosa jém dápic cucacpa, con jeam quejpa iga Dios dá migóypa. Jeeyucmi tanaifítamiñ tum wibic maymáyají iganam tanañjócpa iga Dios tayoxpátpa. <sup>19</sup>Yíp esperanza tsíy juuts ancla para jém tánanama, wicámne iga odoy tantsaguiñ jém Dios iñmaí. Tayoxpátpa iga tanúcpa jém Dios iwiñjom, jém puctuctaani iweñtañ, jém sinyucmipic masticjom, <sup>20</sup>juí tigiyñe jém Jesús por taichtam iga tánáyáy jém tun. Je tsíy juuts tum panij jém dápic nunca putpa, jextim juuts jém Melquisedec.

**Jesús cōbacpic panij jextim juuts jém Melquisedec**

**7** Yíp Melquisedec rey de jém attebet Salem, jém yucmipic Dios ipanij. Oy jém Abraham iccucaayaj jém tungac pixiñtam ireyyaj. Jesic cuando set jém Abraham, jém panij nic ichon tunjom. Iñwejpát Dios para jém Abraham iga iwíwadáyíñ. <sup>2</sup>Cuando icoñwíy jém Abraham juí oy áñaji, jesic íobáy jém reyyaj imiichi. Jesic cuando ipát jém Melquisedec, ichi jém décima parte de ítumpiy jém ífopnewiip. Jém Melquisedec iñiyi nimtooba jém rey jém iwíwatpáppic. Tsíy juuts rey de Salem, taichtam tanañmatimi nimtooba jém ijacpáppic jém pleito. <sup>3</sup>Jém Melquisedec dá jatuníy ni dá aabíy. Dáim i ijodon juí tsucum. Dá i ijodon juchix nay ni juchix caaba. Jex juuts jém Dios iManic, dá nunca putpa iga panij.

<sup>4</sup>Jjstaami iga agui mijpic cargo iniif jém Melquisedec. Porque

jém tanjatunwewe jém Abraham ichi jém décima parte de ítumpiy jém ífobayñewiip jém reyyaj.

<sup>5</sup>Jém Israelpic panijyaj, jém Leví iocmanictam, iniif jém añquímayooyi iga ipictsonyajiñ jém décima parte de ítumpiy jém iniifwiip jém íiwítam, jém Israelpic pixiñtam. Jeeyaj ijatunwewetim jém Abraham. <sup>6</sup>Pero jém Melquisedec, mex iga dá je jém Leví iocmanic, ipictson jém décima parte jém ichiwiip jém Abraham. Y ocmi iñwejpát Dios iga iwíwadáy jém Abraham. Jeetim Abraham jém iwadayñewiip Dios jém promesa.

<sup>7</sup>Quejpa iga jém ichiipáppic bendición iniif más mijpic cargo que jém ipictsonpáppic jém bendición. <sup>8</sup>Yiim entre mimichtam, jém ichécápáppic jém décima parte, pixiñtim, caabatim. Pero juí ijaychacne jém Dios iñmaí, iñmatpa de jém Melquisedec juuts tum pixiñ dápic caaba. <sup>9</sup>Wiap tanim iga jém Leví con ítumpiy iocmanictam, jém panijyaj, ichiijajtim jém Melquisedec jém décima parte jeeti rato cuando jém Abraham ichi jém décima parte. <sup>10</sup>Cuando jém Melquisedec nic ichon jém Abraham, jextim juuts jém Abraham iniif imijtayyucmi iocmanic jém Leví mex iga dánam nayñe.

<sup>11</sup>Jém Levitapic panijyaj ichiijaj jém Moisés inquímayooyi jém nación de Israel. Levitapic pixiñtim jém Aarón. Jesic meega jeeyaj wiá mu iwítsagayyaj jém pixiñtam ífánca, jém icupicneyajwiip jém Moisés inquímayooyi, jesic dá tansunpa iga miñpa tungac panij



juuts jém Melquisedec y dá jex juuts jém Aarón. <sup>12</sup>Porque cuando cucacum jém panij, tienes que cucacpañim jém anquímayooyi.

<sup>13</sup>Cuando nimpa iga miñpa tungac panij, inmatpa de jém tánQmi Jesucristo. Da je levitapic pixiñ. Tungac grupo de jém Israelpic pixiñtam tsucum, jém dápic queman i iccám juuts panij. <sup>14</sup>Porque tsam tanwijodon iga jém tánQmi tsucum de jém tribu de Judá. Jém Moisés da inmat iga tsucumpa panijyay de jém tribu.

<sup>15</sup>Tsam wiñquejpa iga jomipic panij porque jex juuts jém Melquisedec.

<sup>16</sup>Nimpa jém Moisés inquímayooyi iga tsucumpa jém panijyay de jém levitapic pixiñtam. Pero yíp jomipic panij da tsucum juuts nimpa jém anquímayooyi, pero accámta juuts panij porque iniñ jém vida jém dápic cuyajpa. <sup>17</sup>Porque inmatpa así Dios de jém tánQmi Jesucristo:

Mich tum mipanij, da nunca miputpa.

Mijex juuts jém Melquisedec.

<sup>18</sup>Jesic jém wiñicpic anquímayooyi cuyajum. Da wiap iyoxpát jém pixiñtam. Da para tí wi. <sup>19</sup>Yíp anquímayooyi da wiap iwitsagáy ni tum pixiñ itañca. Pero siip núcneum tum pixiñ más wiap. Tananúcpa jém Dios iwiñjom.

<sup>20</sup>Dios ijycámayne iga iccám jém iManic juuts panij. <sup>21</sup>Jém levitapic pixiñtam cuando accámta juuts panij, Dios da tsíy juuts testigo iga accámta. Pero Dios tsíy juuts testigo iga accámta jém iManic juuts panij. Nimpa así jém Dios inmañi:

TanJatuj Dios ijycámáy y da nunca icassetpa ijixi. Nimpa:

“Siip manaccám juuts tum panij. Da nunca miputpa.

Mijex juuts jém Melquisedec.”

<sup>22</sup>Jeeyucmi tanjodon iga Jesús wiap iccupac jém más wibic trato. <sup>23</sup>Jém tungacpic panij, jém levitapic, tsam anpicayaj, tsam jáyana. Porque jeeyaj caayajpa, da wiap ichíy seguido juuts panij. <sup>24</sup>Pero Jesús da caaba. Da nunca putpa iga panij, da iccám pa tungac. <sup>25</sup>Jeeyucmi wiap iciacputyaj para siempre itumpiy jém icunúcyajpáppic Dios porque icupicneyaj Jesús. Porque je da nunca caaba. Itpa para siempre iga icupujpa jeeyaj Dios iwiñjom.

<sup>26</sup>Yicxpíc cobacpic panij wiap tayoxpátta porque tsam iwiwatpa, dátim táncaíy, cuáyne ianama, da jex ijixi juuts jém malopic pixiñtam. Naniçta más yucmi de yíp siñ hasta juñ it jém tanJatuj Dios. <sup>27</sup>Da jex juuts jém tungac panij jém levitapic. Jeeyaj iccaaba cada jama jém animat iga iyojáypa jém pixiñtam itañca. Wiñti iyojpa iyaac jém itañca, ocmi iyojáypa jém pixiñtam itañca. Pero Jesús tunçiy iyojáy jém pixiñtam itañca para siempre cuando ijic iga accaatá. <sup>28</sup>Jém wiñicpic anquímayooyi iccám juuts panij tum pixiñ táncaiywiip. Pero más ocmi de jém wiñicpic anquímayooyi, jém tanJatuj Dios iccupac juuts ijycámne, iccám iManic juuts panij. Iniñ itumpiy jém wibic jixi para siempre.

**Jém Jesucristo wiap tacupuj**

**8** Manañmadáy jempic porque mannímayíamtooba iga tanaiña tum cobacpic panij siñyucmi. Siip coñ jém trono

inwimi juŕ injacpa tanJatuj Dios.  
<sup>2</sup>Yíp panij icuyoxap Dios jém wicom juŕ íf jém Dios ipimi, jém nunta mastic jém iwatnewiip Dios. Da jém pixiñtam iwaŕi. <sup>3</sup>Ítumpiy jém cobacpic panij accámyajta iga nicpa ichac jém ofrenda y jém sacrificio jém Dios iwiñjom. Jeeyucmi yíp panij tienes que ininicpaŕim tum ofrenda jém Dios iwiñjom. <sup>4</sup>Meega íŕpa yíp naxyucmi, da wiap icháy juuts panij porque yim íf jém panijyay, wiap nicpa ichacyaj jém ofrenda juuts nimpa jém Moisés inquímayooyi. <sup>5</sup>Yípyaj panijyay icuyoxayajpa Dios yíp naxyucmipic masticjom, iforma jex juuts jém nunta mastic jém ítwiip siñyucmi. Tanjodoj iga jex juuts tum cuwiñ porque cuando jém Moisés iwat jém puctucmastic, inímáy Dios: “Wati juuts jém manaquejayñewiip jém cotsicyucmi.” <sup>6</sup>Pero siip yíp siñyucmipic panij ipictsoj más wibic yoxacuy que jém wiñtipic panij. Siip tacupujpa con jém más wibic trato que jém wiñicpic porque watnetá de acuerdo con jém más wibic promesa.

<sup>7</sup>Meega jém wiñtipic trato tawitsagáy tantañca, jesic da idic tansunpa tungac trato. <sup>8</sup>Pero Dios iix iga jém wiñtipic trato da wiap iyoxpát jém pixiñtam. Nimpa juŕ jayñeta jém Dios inmaŕi:

Nimpa tanJatuj Dios:  
 Núcpa jama iga aŕwatpa jém jomipic trato con jém ífyajwiip jém naxyucmi de Israel y jém naxyucmi de Judá.

<sup>9</sup>Yíp trato da jex juuts jém aŕwadayñewiip jém

ijatujweweyaj jém jama cuando ammatsáy ici iga antopyaj jém naxyucmi de Egipto.

Pero como jeeyaj da iccupacyaj jém wiñtipic trato jém aŕwadayñewiip, jeeyucmi ich antsacim mex jeeyaj, nimpa Dios.

<sup>10</sup>Yíbam jém jomipic trato jém aŕwatpáppic con jém nación de Israel cuando núcpa jém jama.

Nimpa así jém tanJatuj Dios: Anaccámpa jém aninquímayooyi jém ijixianjom y anjaycámáypa ianamanjom.

Y jém pixiñtam ich aDiosyay. Y jeeyaj ich ampixiñtam.

<sup>11</sup>Cuando núc jém tiempo, da i inquejáypa jém ivecinoyaj ni jém itiwitam iga: Ixpici jém tánQmi.

Porque itumpiy jém pixiñtam aixpicyajpa jém xuŕupic y jém mijtampic.

<sup>12</sup>Aŕwadáypa perdón iga agui imalwatneyaj.

Da nunca anjisáypa jém itañca.

<sup>13</sup>Cuando Dios inmatpa de tum jomipic trato, quejpa iga dam más tayoxpátpa jém pecapic, da jáyñe icuyajpa.

**Jém naxyucmipic mastic y jém siñyucmipic mastic**

**9** Jém wiñtipic trato iniif jém anquímayooyi jutsap tanjis Dios jém lugar juŕ íf jém Dios ipimi yíp naxyucmi. <sup>2</sup>Wata jém puctucmastic con wisten cuarto. Jém wiñtipic cuarto iniyi jém

lugar juí íf jém Dios ipimi. Jem íf jém nooquejcu y tuncuy, jém mesa y jém caxfánañi jém Diospic imiichi. <sup>3</sup>Iweñfañ de jém tungac puctuctaani íf jém tungac cuarto inñiyi jém lugar juí núcpa Dios. <sup>4</sup>Jem íf tum altar de oro juí nootap jém poma. Íftim jém baúl juí tsacta jém wiñtipic trato. Cutsitneta icumij jém baúl con oro. Jém baúljom íf tum xanu de oro juí cotta jém wíccuy, jém maná. Jém baúljom íftim jém Aarón iwaycuy jém aḡnayñewiip y jém tsaatabla juí jayñeta jém diez anquímayooyi jém wiñtipic trato. <sup>5</sup>Jém baúlyucmi íf wisten jém sajywiip, jém querubines. Tanquejáypa iga jemum íf Dios. Jemum núcpa jém Dios ichoca. Íftimne ixaj, icujimne jém lugar juí tsactap jém sacrificio juí yojaytap jém pixiñtam ífánca. Pero siip da i tiempo iga maḡwianmadáypa ítumpiy yípyaj cosa.

<sup>6</sup>Jesic cuando wítsacne ítumpiy cosa así, seguido tigiyaypa jém panijay jém wiñtipic cuarto iga iwatyajpa juuts nimpá jém wiñicpic anquímayooyi. <sup>7</sup>Pero jém tungac cuarto, no más jém cōbacpic panij wiap íftigiy. Cada amtiy tigiyapa tunciy. Da wiap íftigiy sin niipiñ iga iyojpa jém ífánca, ocmi iyojyapañim jém pixiñtam ífánca. <sup>8</sup>Jempigam tanquejáy jém Dios iAnama, iganam íf jém wiñtipic puctucmastic, danam quej jém tuḡ hasta juí íf jém tanJatun Dios, jém lugar cuáyñewiip. <sup>9</sup>Ítumpiy yípyaj cosa tsíy juuts tum ejemplo para siip. Jém ofrenda y jém sacrificio jém chiiñetawiiip Dios

da inñuntawitsagáy jém pixiñtam ífánca jém iwatnewiip jém sacrificio iga cuáypa ianama. <sup>10</sup>Jém sacrificio y jém ofrenda je nada más asunto de wíccuy y níccuy y jutsap icheeyaj imijtay según jém wiñicpic costumbre hasta que Dios icjoomasetpa ítumpiy cosa.

<sup>11</sup>Pero siip miññeum jém Cristo, jém cōbacpic panij. Imiichi ítumpiy jém más wibic cosa, jém miñpáppic. Yíp mastic juí yoxap jém Cristo más wíti y más wibic. Da je jém pixiñ iwati, da je yíp naxyucmipic. <sup>12</sup>Tigiy tunciy juí íf Dios para siempre. Da ininic jém chivo inñipiñ ni jém becerro inñipiñ, pero iyaac ininic jém inñipiñ iga iyojáy jém pixiñtam ífánca iga ipictsonyajiñ jém vida jém dápic cuyajpa. <sup>13</sup>Jém becerro inñipiñ y jém chivo inñipiñ cuxicstap jém pixiñtam iga cuáyñ jém imijtay. Jém becerra icuyjam, jém noonetawiiip jém altaryucmi, cuyintap jém pixiñtam iga cuáyñ jém imijtay. Jém niipiñ y jém cuyjam iyoxpátpa jém pixiñtam iga cuáyñ jém imijtay según jém costumbre. <sup>14</sup>Pero más wí jém Cristo inñipiñ. Porque jém Dios iAnama, jém dápic cuyajpa, iyoxpát jém Cristo cuando iyaac nachiiḡta juuts sacrificio sin tánca. Jém inñipiñ tacujicháyaypa tánanama iga da más tanjispá jém wiñicpic anquímayooyi, jém dápic tayoxpátpa. Siip wiap tanjucuyoxa jém vivopic Dios.

<sup>15</sup>Jeeyucmi jém Cristo wiap tacupuj con jém jomipic trato. Ichiiba jém vida jém dápic cuyajpa ítumpiy jém icupinneyajwiip Dios juuts ijyicámayñe. Wiap iwat

jempic porque accaata iga iyoyá itumpiy jém pixiñtam itañca, jém dapic wiap iwitsac jém wiñtipic trato. <sup>16</sup>Siiga tum pixiñ iwatpa trato con imaníc iga ichiiba itumpiy jém jeepic imiichi cuando caaba, jesic tienes que ixlap iga caaneum. Ocmi jém imaníc wiap ipictsoj ifam ijycamayne. <sup>17</sup>Tum trato da iniij ipimi siiga danam caane jém iwatnewiip jém trato. Pero cuando caaneum jém pixiñ, jesic iniitum ipimi jém trato. <sup>18</sup>Jeeyucmi accaayajta jém animatyaj iga con inñipiñ iniidiñ ipimi jém wiñtipic trato. <sup>19</sup>Cuando jém Moisés yaj inmadáy jém pixiñtam itumpiy jém anquímayooyi, ipic jém becerro inñipiñ con jém chivo inñipiñ, inimot con ni. Ipic jém hisopo inçis, ichen con jém tsabatspic lana, icot niñipinjom, con jeam icuxics jém toto jut jayñeta jém anquímayooyi. Icuxicstim itumpiy jém pixiñtam. <sup>20</sup>Iganam iwatpa jempic jém Moisés, inímáy jém pixiñtam: “Con yip niñipiñ quejpa iga jém trato iniit ipimi jém Diospic tawadayne para taichtam.” <sup>21</sup>Jém Moisés icuxicstim con jém niñipiñ jém puctucmastic y itumpiy jém traste jut ijisyajpa Dios. <sup>22</sup>Porque nimpa jém wiñicpic anquímayooyi iga casi itumpiy cosa tienes que cuáypa con jém niñipiñ. Siiga da itegáypa jém niñipiñ, jesic da i imatónáypa jém itañca.

**Accaata jém Cristo iga  
tayojáy tantánca**

<sup>23</sup>Jeeyucmi ixunpa jém sacrificio iga cuáyin jém cuwiñ de jém cosa jém itwiip siñyucmi, pero jém siñyucmicpic cosa ixunpa más wibic

sacrificio que jém watnetawiip yip naxyucmi. <sup>24</sup>Jesic cuando jém Cristo tayojáy tantánca, da iwat yip naxyucmicpic masticjom jém iwatnewiip jém pixiñtam. Porque jém puctucmastic nada más tum cuwiñ de jém nunta mastic jém itwiip siñyucmi. Pero tigiy jém Cristo siñyucmi, icunuc jém tanJatuj Dios iwiñjom iga tacupujpa. <sup>25</sup>Da tigiy jém siñyucmicpic masticjom iga iwatpa wañciy jém sacrificio juuts jém cobapic panij iwatpa cada amiy con jém niñipiñ dapic imiichi. <sup>26</sup>Porque siiga da wiap iwat tuñciy jém sacrificio, jesic tienes que wañciy accaata jém Cristo dende watta yip mundo. Pero da iwat jempic. Siip cuando núctooba jém inañpigam jama wiñquej jém Cristo. Iyaac nachiiita iga accaata iga iccáyáypa jém pixiñtam itañca. <sup>27</sup>Dios ichac iga tuñciy caaba itumpiy jém pixiñtam y ocmi ciipintap, chiitap castigo jém malopic. <sup>28</sup>Jesanelim tuñciy nachiiita jém Cristo iga accaata iga iccáyáypa jáyay jém pixiñtam itañca. Ocmi wiñquejpa eybic yip naxyucmi jém Cristo. Dam miñpa iccáyáy jém pixiñtam itañca, miñpa iciacputyaj jém injócneyajwiip.

**10** Jém Moisés inquímayooyi juuts tum cumuçi de jém wibic cosa jém miñpáppic. Da nunta numa jém cosa jém miñpáppic ocmi, jém anquímayooyi no más tum cuwiñ. Jém Moisés inquímayooyi da wiap iwitsagáy jém pixiñtam itañca jém icunucneyajwiip Dios con jém sacrificio jém iwatyajpáppic cada

amfiy. <sup>2</sup>Meega jém anquímayooyi wiap iciacput jém pixiñtam, jesic dá eybic iwatyajpa jém sacrificio porque una vez witsacnetawum itánca jém iwatneyajwiip jém sacrificio, dá más ijampa iga táncafy. <sup>3</sup>Pero cuando iwatyajpa jém sacrificio cada amfiy, ijisyajpa iga táncafy. <sup>4</sup>Porque jém toro inñipiñ y jém chivo inñipiñ dá nunca wiap iccáyáy jém pixiñtam itánca.

<sup>5</sup>Jeeyucmi cuando miñ yíp naxyucmi jém Cristo, inñímáy tanJatuñ Dios:

Mich dá inwianjam jém sacrificio ni ofrenda.

Pero anchi jém ammijtay iga accaatap.

<sup>6</sup>Dátim inwianjam iga nooquettap jém animat jém altaryucmi ni jém sacrificio iga accáyaytáin jém pixiñtam itánca.

<sup>7</sup>Jesic ocmi anim:

“Yiim aif iga anwatpa juuts mich inwianjam, manJatuñ Dios, juuts jayñeta jém librojom de aich.”

<sup>8</sup>Wiñti nim jém Cristo iga: “Mich dá inwianjam jém sacrificio, ni ofrenda, ni jém animat nooquettapaap jém altaryucmi, ni jém sacrificio iga accáyaytáin jém pixiñtam itánca.”

Mex jém wiñcpic anquímayooyi ipiimíypa jém pixiñtam iga iwatyajiñ. <sup>9</sup>Ocmi nimtim jém Cristo: “Ich amiñ yiim iga anwatpa juuts mich inwianjam, manJatuñ Dios.” Yíp nimtooba iga Dios iccáypa jém wiñtipic, iccámpa jém ocmipic.

<sup>10</sup>Cristo ijíc iga accaatá tunçiy para ifumpiy jém pixiñtam. Jeeyucmi Dios tacujicháyáy tánanama.

<sup>11</sup>Ifumpiy jém Israelpic panijyaj iwatyajpa cada jama jém masticjompic yoxacuy. Seguido iwatyajpa jeetim sacrificio, mex dá nunca wiap iccáyáy jém pixiñtam itánca. <sup>12</sup>Pero jém Jesucristo tunçiy ijíc iga accaatá iga iyojáy jém pixiñtam itánca para siempre. Jesic ocmi nic coñi jém Dios inwimi.

<sup>13</sup>Jemum síp injjóc hasta que Dios iconwíypa jém ienemigoyaj.

<sup>14</sup>Tunçiy chióm imijtay juuts ofrenda iga accaatá jém cunusyucmi iga iwitsagáy jém pixiñtam itánca iga iccuáyáy ianama para siempre.

<sup>15</sup>Jém Dios iAnama tanmadáytim jempic porque nimpa:

<sup>16</sup>Ocmi ich anwatpa tungac trato con jeeyaj cuando núcpa jém tiempo.

Nimpa Dios:

Anaccámpa jém

ananquímayooyi jém

pixiñtam ianamanjom.

Anjaycunúcpa ijixianjom.

<sup>17</sup>Nimtim Dios:

Dá nunca anjísáypa jém

pixiñtam itánca, dá nunca

anjísapa iga agui imalwatne.

<sup>18</sup>Cuando tawadayñetawum perdón jém tantánca, dá eybic ixunpa Dios iga tanwatpa sacrificio iga tanyojpa jém tantánca.

### Wi iga tançunúctamiñ Dios

<sup>19</sup>Jeeyucmi mantiwitam, siip dá taçnpa. Wiap tantigiy jém Lugar Cuáyñewiip, juí if Dios, porque jém Jesucristo itegáy inñipiñ para taichtam. <sup>20</sup>Siip tanaiñ jém jomipic tun, jém vivopic, juí if Dios. Porque Cristo injay jém punctuctaani iga waiñ tannas jém

iweñtañ. Jém puctuctaani nimtooba jém Cristo imijtay cuando accaata.

<sup>21</sup>Tanaif tum mijpic tampanij, jém cobacpic, injacpa jém Dios ificmi icutero. <sup>22</sup>Jeeyucmi wiap tañcunúcta Dios con tum wibic tánanama, tannuntawicupicpa Dios. Tacujicháyayñetawum tánanama iga da más tanjisa jém tantañca. Tacutseayñetawum jém tammijtay con jém wibic ni.

<sup>23</sup>Seguido tanañjótampa iga Dios taciacputtampa. Da tantsactámpa iga tañcupictámpa porque Dios iccupacpa juuts tajycámayñe.

<sup>24</sup>Wi iga tammétstámiñ jutsap tanayoxpáttamtá con jém tantiwítam iga tanatoyfamtaiñ, iga tawiwadayítamiñ i quej. <sup>25</sup>Da tantsactámpa iga tañtuumatámpa con jém tantiwítam juuts iwatyajpa algunos jém dápic añtuumayajpa. Wi iga tanañquímtamtá iga tañwattámiñ juuts ixunpa Dios y más siip porque quejpa iga dam jáyñe miñpa jém tánOmi.

<sup>26</sup>Siiga iñwianjam iga seguido iñwatpa táñca cuando iñwijodon jém numapic añquímayooyi, dam i tungac sacrificio iga miyojáypa iñtáñca. <sup>27</sup>Tsfy no más jém mijpic castigo jém tsampic iyaachwatpa ienemigoyaj juuts ijyucunúcne Dios, yajpa iccucaáy jém juctjom jém aguipic yótpa. <sup>28</sup>Wiñigam siiga tum pixiñ da watpa juuts nimpa jém Moisés iñquímayooyi, siiga if wisten o tucuten testigo iwiñpacchiiba, jesic jém pixiñ accaatap, da i iyaachanjampa.

<sup>29</sup>Jistaami iga tsam mijpic castigo ichiiba Dios tum pixiñ siiga nimpa iga da ti cuwatcuy jém Dios iManic,

y siiga tsam ijóyixpa jém Cristo iñipiñ de jém jomipic trato, jém iccuáyñewiip jém pixiñ ianama. Chiitapim mijpic castigo siiga i imalnímáypa jém Dios iAnama jém tañquejaypáppic iga tsam tayaachanjampa Dios. <sup>30</sup>Tánixpicpa jém nimnewiip: “Ich anañ derecho iga antségáypa jém malopic pixiñtam itáñca, ich anacyojpa iga imalwatyaj.” Nimtim: “Dios icipiñpa jém ipixiñtam.” <sup>31</sup>Ciñi iga micutiñpa jém vivopic Dios icijjom.

<sup>32</sup>Pero jistaami jém jama jém nasnewiip cuando mimichtam yaguiñ impictsonja jém juctiñtsoca. Tsam micutítstamtá. Iñyaachiyta cuando iñnascata jém mijpic yaachaji.

<sup>33</sup>Algunos de mimichtam tsam mimalnímáyamtá y mimalwadayamtá jém pixiñtamanjom. Miwagayaachafim con jém iñnagoyaj cuando iñnascayaj jempic. <sup>34</sup>Mimichtam, tsam iñyaachanjamta jém pajneyajtawwip. Da miñyácneta cuando miccáyayta jém iñtic o itumpiy jém iniitwiiip, numa agui mimaymaytam. Porque iñjodonjam iga iniitfa jém tsam wítampic cosa siñyucmi jém dápic nunca cuyajpa. <sup>35</sup>Mimichtam tsam iñjisa iga Dios wiap miyoxpát, jesic odoj tsaci iga iñjisa jempic porque siiga seguido iñjisa jempic, impictsonja tum wibic coñwiyooyi. <sup>36</sup>Yaachiytaami iga iñwattámpa juuts ixunpa Dios iga impictsonjámpa títam tajycámayñe. <sup>37</sup>Nimpa jém Dios iñmafi:

Da jáyñe miñpa jém miñpáppic. Da táñcaap.

<sup>38</sup>Jém añwitsagayñewiip itáñca iniit jém vida porque acupicne, nimpa Dios.

Pero el que ichacpa iga acupicpa, aich da aṅwianjam. <sup>39</sup>Pero taichám da tajex juuts jém setpáppic ítuuñañciim, jém nicpáppic juṯ ipictsonpa jém castigo. Taichám seguido taṅcupicpa Dios iga da togoypa jém tánanama.

**Jém wiñicpic pixiñtam jém tsampic icupicyajpa Dios**

**11** Siiga tanaif fe, taṅcupicpa Dios, tannuntawijodoṅ iga tampictsonpa tifam tanañjócne. Tanjodoṅtim iga numa tachiiba Dios jém cosa jém dapic tánixñe. <sup>2</sup>Jempictim iwatyaj jém wiñicpic pixiñtam, Dios iwixiyaj porque tsam icupicyaj. <sup>3</sup>Como tanaif fe, tanjodoṅ iga Dios iwat ítumpiy cosa jém ítwiip naxyucmi y siñyucmi. Ipiimíy iga idiñ, jesic ítum. Dios ipic jém cosa jém dapic i wiap iix iga iwatpa jém cosa jém wiapaap tánix.

<sup>4</sup>Como tsam iniif fe, jém Abel agui icupic iga Dios wiap iyoxpát, jeeyucmi ichi más wibic ofrenda que jém ichiwiip jém Caín. Quejpa iga wibic pixiñ porque Dios iwipictsoñáy jém iofrenda. Mex caane jém Abel, hasta siip inmatpa iga tsam icupic Dios.

<sup>5</sup>Como tsam iniif fe, jém Enoc icupic Dios. Siwiñ nanicta, da ca. Dam i ipát porque Dios ininic. Nim jém Dios inmatí: “Antes que nanictap jém Enoc, iwat juuts Dios ixunpa.”

<sup>6</sup>Pero da i wiap iwat juuts ixunpa Dios siiga da iniñ fe, siiga da icupicpa iga Dios wiap iyoxpát. Jém icunúcpáppic Dios tienes que icupicpa iga íf, y iga Dios ichiiba jém wibic coñwiyooyi jém pixiñtam jém imétsyajpáppic.

<sup>7</sup>Como tsam iniif fe jém Noé, cuando Dios icjodóna iga miñpa jém cosa jém dapicnam queman tánix, como tsam cñ, iwat tum barco iga iciacputyajpa jém iyomo y jém ichixtam. Con jeetim fe, jém iniitwiip jém Noé, ichiiba castigo ítumpiy jém ítyajwiip yíp naxyucmi. Jeeyucmi Dios ipictson jém Noé juuts tum wibic pixiñ porque icupic iga Dios wiap iyoxpát.

<sup>8</sup>Como tsam iniif fe jém Abraham, cuando inwejay Dios, icupic, nic tum lugar juṯ Dios ijyácamayñe iga ichiiba. Put de jém iticmi, aunque da ijodoṅ juṯ nicpa. <sup>9</sup>Como tsam iniif fe jém Abraham, nic íti como tum juumipic pixiñ jém tungac naxyucmi jém Diospic ijyácamayñe. Jáy íti con jém Isaac y Jacob jém puctucticjom. Jeeyaj ipictsonyajitim jeetim promesa. <sup>10</sup>Porque jém Abraham tsam injócpa jém atebet jém wíwatnewiip, jém iniitwiip wibic base, jém arquitecto y jém iwatnewiip Dios mismo.

<sup>11</sup>Como tsam iniif fe jém Sara, icupicpatim. Tsami jém yomo, nasneum itiempo iga manigíypa, pero Dios iyoxpát iga manigíyñ. Icnay tum jaychixi porque icupic iga Dios iccupacpa juuts ijyácamayñe. <sup>12</sup>Jém Abraham tsam wídaya, caatoobam, pero núc iga iniif tsam jáyan imanictam juuts jém matsa, jém ítwiip siñyucmi, y juuts jém pooy, jém ítwiip jém lamar aṅnaca, da wiap tammay.

<sup>13</sup>Ítumpiy jém wiñicpic pixiñtam, jém icupicneyajwiip Dios, caayaj. Da iixyaj jém promesa jém ijyácamayñewiip Dios iga ichiiba. Pero como tsam

iniif fe, icupicyaj, juumi iixyaj jém promesa. Tsam maymayyaj cuando iixyaj iga miñpa. Iñimayyaj iga: “Ich da yimpic apixiñ. Ich juuts awidañnaxi yíp naxyucmi.”

<sup>14</sup> Cuando nımyaj jempic, tsam wiqejpa iga imétsyajpa tungac nas jém imiichipic. <sup>15</sup> Meega ijısyaj jém naxyucmi juú tsucumyaj, wiap ixetyaj eybic jemıc. <sup>16</sup> Pero ixunyajpa tum wıbic naxyucmi, tum sınyucmıpic lugar. Jeeyucmi da tsaap jém tanJatuñ Dios cuando nımpa: Michtam anDios. Porque iwıtsagáy tum atbet para jeeyaj.

<sup>17</sup> Como tsam iniif fe jém Abraham, cuando cutıtsta, inimiñ jém Isaac iga iccaaba juuts tum sacrificio. Iccaaba idıc jém túmpic imanıc mex Dios ijıycámayñe iga nay jém tsıxi. <sup>18</sup> Nımayta jém Abraham iga por medio de jém imanıc Isaac, tsam anpicpa jém immanıctam. <sup>19</sup> Jém Abraham iwıjodonj iga Dios wiap icpıs jém caaneyajwiip. Y como da ijıc Dios iga iccaaba jém imanıc, wiap tanım iga jém Abraham eybic ipıctsoj imanıc juuts tum acpısnetawıip de juú ít jém caaneyajwiip.

<sup>20</sup> Como tsam iniif fe jém Isaac, icupic iga Dios wiap iyoxpát. Jeeyucmi ijıycámáy imanıctam jém Jacob y Esaú iga núcpa jama iga iwıwadáypa Dios. <sup>21</sup> Como tsam iniif fe Jém Jacob, icupic iga Dios wiap iyoxpát. Cuando caatooba ijıycámáypa cada tumtum jém José imanıctam iga iwıwadáyıñ Dios. Teñchucum con ibaston jém wıdaya iga inıwejpátpa Dios. <sup>22</sup> Como tsam iniif fe jém José, icupic iga Dios wiap iyoxpát, jesic antes que caaba

iñımáy jém Israelpic pixiñtam iga ocmi putyajpa jém naxyucmi de Egipto. Pımiyyajta iga ifajquımáyıñ ipac cuando putyajpa.

<sup>23</sup> Como tsam iniif fe jém Moisés ijatuñ con iapa, icupicyaj iga Dios wiap iyoxpát. Cuando nay jém tsıxi, iñec tres meses porque iix iga tsam wıbic tsıxi. Da icınyajpa jém orde, jém reypic ichiıñe. <sup>24</sup> Como tsam iniif fe jém Moisés, icupic iga Dios wiap iyoxpát, jesic cuando pıxiññam, da ijıc iga imanıgap jém Faraón iyommanıc. <sup>25</sup> Más iwıanjam iga yaachwattaiñ con jém Dios ipıxiñtam que iga maymáyp tum rato iga iwatpa juuts iwıanjamıy jém malopic pixiñtam. <sup>26</sup> Ijıs iga vale más iga yaachwattap jém Cristo icuyucmi que iga ipıctsojpa ítumpıy jém riqueza jém ítwiip Egipto porque iix tum tsam wıbic coñwiyooyi jém Diospic ichiıba. <sup>27</sup> Como tsam iniif fe jém Moisés, icupic iga Dios wiap iyoxpát, jeeyucmi put de jém naxyucmi de Egipto. Da icıñ jém Egiptopic rey iga agui jóyñe. Seguido iwatpa juuts iñımáy Dios, juuts jesic iixñe jém Dios jém dapic tánıxa.

<sup>28</sup> Como tsam iniif fe jém Moisés, icupıctım iga Dios wiap iyoxpát. Iwat jém pascuasıñ. Ipiımáy jém ipıxiñtam iga icuxicsyajpa jém tic ipuerta con niipiñ iga cuando naspa jém sınyucmıpic pıxiñ, jém accaoypaap, da iccaaba ni tum jém Israelpic pıxiñ icoponmanıc.

<sup>29</sup> Como tsam iniıtyaj fe jém Israelpic pixiñtam, icupicyaj iga Dios wiap iyoxpát. Wıdanjacyajpa jém tsabats lamar juuts titsinaxyucmi. Pero cuando jém



Egiptopic pixiñtam nasyajpa idíc, jemtim jicjicayaj.

<sup>30</sup> Como tsam iniityaj fe, jem Israelpic pixiñtam icupicyaj iga Dios wıap iyoxpát, jesic siete jama icuwitxetyaj jem atebet Jericó, ocmi cujegáy jem tsataañi.

<sup>31</sup> Como tsam iniit fe jem yomo Rahab, jem pejoypáppic idíc, icupic iga Dios wıap iyoxpát. Da iwaganaca jem dapic icupicyaj, porque inec jem wisten jem Israelpic pixiñ jem icuixyajwiip jem naxyucmi de Canaán.

<sup>32</sup> ¿Tı más wıap annım? Da anai tiempo iga anajmatpa de jem Gedeón, jem Barac, jem Sansón, jem Jefté, jem David, jem Samuel y jem wiñicpic profetayaj. <sup>33</sup> Como tsam iniityaj fe, icupicyaj iga Dios wıap iyoxpát. Jesic icoñwiyyaj jem tungac naxyucmi, iwıanjacyaj jem Dios ipixiñtam, ipictsonyaj jem promesa jem ijıycamayñewiip Dios, ignúc jem cañ ijip. <sup>34</sup> Icpıch jem juctı jem tsampic yótpa, ciıputyaj iga accaayajtap con jem espada, chiıta pımi jem dapic iniı ipımi, tsam iniityaj ipımi cuando añayajpa, ichicpoypa jem soldado jem tungac naxyucmıpic. <sup>35</sup> Algunos jem yomtam ipictson eybic imanıc jem caanewiip idíc, acpısyajtawum.

Tungac jem Dios ipixiñtam matsta, tsam yaachwatta hasta accaata algunos. Y como da ignécpa iga icupicpa Dios, da i icutısıgáypa. Iwatpa ası iga ipictsonyajpa tum más wıbic vida cuando pısyajpa jem caaneyajwiip. <sup>36</sup> Tungac más tsam saayıta, tsam cótsta, tseıta con cadena, cotta cárcel. <sup>37</sup> Tungac tsaanáscata, wıgansajta icucmi con

sierra, accaata con espada. Algunos oyyaj yiım jeexic. Iccámneyaj jem borrego icuero y jem chivo icuero. Tsam yaachayaj. Tsam yaachwatta. Agui anyácneyaj iga tsam malwadayta. <sup>38</sup> Yıp pixiñtam vale más jem Dios iwiñjom que jem dapic icupicyajpa Dios. Jáy sıiyaj jem titsınaxyucmi y jem cotsiganjo. İtyaj jem tsaajosjom y jem nasjosjom. <sup>39</sup> Ni tum de jeeyaj da ipictson jem ijıycamayñewiip Dios mex icupic iga Dios wıap iyoxpát porque tsam iniityaj fe. <sup>40</sup> Porque Dios tajıspatım taıchtım iga tachiıba tum más wıbic cosa. Da iwıwadáypa jeeyaj hasta que tawıwadáypatım taıchtım con jeeyaj.

#### Cotstap jem Dios imanıctam iga más iwıwatyajiñ

**12** Jeeyucmi wı iga tantsacpa jem tantanca jem tsampic tacmalwatpa. Wı iga tanyaachıyın itumpıy cosa iga tajwattampa juuts ixunpa Dios porque tánıx iga jáyan jem wiñicpic pixiñtam agui icupicneyaj iga Dios wıap iyoxpát juuts tacuwoyxetne jem ucsi. <sup>2</sup> Wı iga tánámmatspa jem Jesús jem tachiıpáppic jem fe. Tsam tayoxpát cuando moj tajcupic Dios y seguido tayoxpátpa hasta tanaccupacpa. Tsam maymay jem Jesús iga yaachwatta cunusucmi porque ijodon iga asıam icoñwıypa jem ienemıgoyaj. Da tsaap iga accaata juuts tum malopic pıxiñ. Ocmi nic coñı jem Dios itrono inwımi. <sup>3</sup> Jıstaami iga agui iyaachıy jem Jesús cuando iyaachwatyaj jem malopic pıxiñtam. Jeeyucmi mannımaypa: Odoy sopstaami iga inwattampa

juuts ixunpa Dios, odoy tsactaami iga iŋcupicpa Dios. <sup>4</sup>Numa tsam pimi mĩnatampa contra jém táŋca, pero hasta siip danam mictegáy iññipiñ.

<sup>5</sup>¿Que iñjaamanotneta iga Dios minquím juuts mimanic? Nĩmpa así jém Dios iŋmaŋi juŋ jayñeta:

Mammanic, odoy jóycaí cuando micótspa jém iñJatuj Dios.

Yaachiyi cuando michiiba castigo iga iŋcupiguiñ.

<sup>6</sup>Porque jém tanJatuj Dios iñuumanquĩmpa jém ífoyyajpáppic.

Ícótspa íŋumpiy jém

ipictsonpáppic juuts imaníc.

<sup>7</sup>Yaachiyaami mimichám cuando iññascaaba jém yaachaji. Asíam minquejáypa Dios iga iŋwĩwadiñ. Miwĩxpa Dios juuts tum mimanic.

¿Que íf tum tsixi dá ícótspa íjatuj?

<sup>8</sup>Pero siiga Dios dá micótspa juuts iñascaaba íŋumpiy jém imanictam, jesic dá je Dios mimanic. Michíypa juuts mipejpen. <sup>9</sup>Yíp naxyucmipic tanjatuj tacótspa, pero dá tajóypa, tanwĩxpa. Jesic más wĩ iga tancupicpa jém anJatuj Dios jém dápic tánixpa, jesic tanaiŋpa jém vida.

<sup>10</sup>Yíp naxyucmipic tanjatuj tacótspa tum rato juuts je iwĩanjam. Pero jém tanJatuj Dios tacótspa iga tayoxpátpa iga tanwĩwattámiñtĩm juuts iwatpa je iga dá tatáncaíypa. <sup>11</sup>Numa tum pixin dá iwĩanjam cuando cótstap. Jeetĩ rato tsam toypa. Pero ocmi siiga tancupicpa, tayoxpátpa iga tanwĩwatpa, agui tamaymay.

**Da wĩ tanĩmpa iga dá para  
ti wĩ jém Dios iŋmaŋi**

<sup>12</sup>Chii pimi jém iŋci jém sopsnewiip. Chii pimi jém iŋcōso

jém dápic cámpa ífeñ. <sup>13</sup>Numtsaci jém tun juŋ miwifítampa, jesic jém cuxujpic ídic dá putpa tunjom, pispá.

<sup>14</sup>Wadaayi caso iga iŋwinanigáypa íŋumpiy jém pixinŋtam. Seguido wĩwati juuts ixunpa Dios porque jém dápic iwĩwatpa dá iixpa tanJatuj Dios. <sup>15</sup>Nawattaji cuenta iga odoy iñchaguiñ jém wibic aŋmaŋi iga Dios tayaachanjampa y tayoxpátpa. Odoy tsiyi ni tum de mimichám juuts tum tíchic tsampic tam jém iŋnayı. Imalwadáypa jáyaŋ jém íyajwĩip jem. <sup>16</sup>Ni tum de mimichám odoy pejoytaami ni odoy yamtsaayaji tum woñi. Odoy jóyixi jém Diospic imiichi juuts iwat jém Esaú. Por tum chĩma wĩccuy icucac jém herencia jém imiichipic ídic. <sup>17</sup>Michám iŋwĩjodontam iga cuando jém Esaú ipictsonŋtooba títam ichiiba ídic jém íjatuj, dá i ichi. Mex tsam wej jém Esaú, dam wĩa icucac ijixi iga imalwat. <sup>18</sup>Mimichám dá iŋcunúcta jém cōtsic jém wĩapaap tantsic juuts icunúcyaj jém Israelpic pixinŋtam.

Agui yótpa jém jucti, cupiicha. Ocmi más pimi piichi, agui pimi poypa jém sawa. <sup>19</sup>Mimichám dáŋim immatonŋta jém trompeta injjiyi ni jém Dios ijyi. Jém imatonŋajwĩip icunucsayyaj iga odom más jíyiñ. <sup>20</sup>Dá wĩap iyaachiyaj títam iñmáypa Dios. Nĩmayajta: “Siiga tum pixin ichicpa jém cōtsic o tum animat, jesic náscataami tsaami o tipcataiñ con capi.” <sup>21</sup>Tsam pimi ichiganjéc jém Moisés cuando iix. Tsam cĩŋpa. Nĩmpa: “Tsam pimi acĩŋ hasta acuetsáypa.”

<sup>22</sup>Pero, mimichám, iŋcunúctetámum jém cōtsic

Sión, jém vivopic Dios iatbet, jém sinyucmipic Jerusalén, juí aṅtuumaneyaj tsam jáyaṅ mil jém sinyucmipic pixiñtam <sup>23</sup> iga icujpyajpa Dios. Inṅcunúcnem juí aṅtuumaneyaj jém Dios imanictam jém icupicneyajwiip Jesucristo jém accámayñeyajtawiiip inñiyi sinyucmi. Inṅcunúcnetaṃum jém tanJatuṅ Dios, jém iciipipáppic itumpiy pixiñtam, y hasta juí it jém wibic pixiñtam iṅnamayaj jém iwítsagayñeyajwiip Dios. <sup>24</sup> Inṅcunúcnetaṃum jém Jesús jém tacupujpáppic con jém jomipic trato, y jém inñipiñ jém tacuáyñewiip. Tsam wí quejpa iga más wí que jém Abel inñipiñ.

<sup>25</sup> Mimichítam, cupictaami títam taṅmadayíta Dios, odoy jóyixi. Porque siiga dá ciiputyaj jém wiñicpic pixiñtam cuando aṅmadayajta yíp naxyucmi, jesic mucho más mimichítam dá miciiptámpa siiga dá immatorjtámpa cuando Dios mijyayítámpa dende sinyucmi. <sup>26</sup> Wiñigam cuando jiyapa Dios, agui tsigóyapa jém nas. Pero siip ijyicámne, nimpa: “Eybic anactsigóyapa jém nas, pero dá solamente jém nas, anactsigóypatim jém siṅ.” <sup>27</sup> Cuando nimpa: “Eybic anactsigóyapa”, taṅcutiiyíyapa iga Dios iccáyapa jém tsigoypáppic, jém iwatnewiip Dios, ichacpa jém cosa jém dápic tsigóyapa. <sup>28</sup> Tatigiyítámpa juí injacpa Dios juí dá i ictsigóyapa, jeeyucmi tanchiifámpa gracia Dios. Tanjistámpa Dios juuts je iwianjam. Tantoytámpa y taṅcirtámpa. <sup>29</sup> Jém tanJatuṅ Dios je tum mijpic jucti, nooquedóyapa.

Ti iwianjam Dios iga tanwatpa

**13** Odoy tsaci iga minitoytámpa con inñiwitam. <sup>2</sup> Odoy jamnooti iga inṅwipictsonṅpa jém miñyajpáppic juumi. Acwictaami. Jempigam algunos ipictsonyay jém sinyucmipic pixiñtam mex iga dá ijodoṅ.

<sup>3</sup> Jistaami jém presoyaj juuts miwagapajnetá con jeeyaj. Jistaami jém malwadayñetawiiip porque mimichítam iniitím jexpic mijtay. Wiaptim inñasca jempic.

<sup>4</sup> Itumpiy jém aṅcoomiyñeyajwiip wí iga napicyajtaṅ y dá imalwatyajpa. Pero Dios ichiiba castigo jém ichayapáppic tuṅgac yomo y jém pejoypaap.

<sup>5</sup> Odoy cusuniyi jém tumiñ. Maymáyají con títam iniit siip porque nimpa Dios: “Dá nunca mantsacpa iga manyoxpátpa. Dá nunca michíyapa inṅcutum.” <sup>6</sup> Wiap tanim:

Aṅwíjodoṅ iga Dios ayoxpátpa.

Dá tí aṅcṅpa.

Dá i wiap amalwadáy.

<sup>7</sup> Jistaami tí iwatyaj jém pastoryaj, jém miṅmadayñewiip jém Dios inṅmatí iga tsam iwíwatyay y tsam iniityaj fe. Jempicítim wícupictaami mimichítam iga Dios wiap miyoxpátta.

<sup>8</sup> Jém Jesucristo dá cucacpa. Jeetím matic, jeetím yíp jama y jeetím itumpiy tiempo. <sup>9</sup> Odoy jiiici iga i mimigóyáyapa iga miṅquejáyapa tuṅgac aṅquímayooyi dápic jex juuts jém impictsonewiip. Más wí iga ipimchiiba inñanama jém Dios ifóyooyi que iga taṅcútpa jém

wíccuy juuts nímpa jém wiñicpic costumbre. Porque jém costumbre da tayoxpátpa iga tañwatpa juuts ixunpa Dios.

<sup>10</sup>Taichfam tanaif tum altar juif tsacta jém ofrenda, jém dápíc wiap icútyaj jém yoxapáppic yíp naxyucmipic masticjom. <sup>11</sup>Jém cöbaccpic panijyaj icotyaj jém animat inñipiñ jém cuarto juif íf Dios. Ichiiba juuts tum ofrenda iga iccáyáypa jém pixiñtam ífánca. Pero jém animat imijtay noayfap anşicmi de jém attebet. <sup>12</sup>Jexfim jém Jesucristo tsam yaacha, accaata anşicmi de jém attebet iga iccáyáy jém pixiñtam ífánca con jém inñipiñ. <sup>13</sup>Jesic tanictámpa anşicmi de jém attebet juif íf Jesús iga tayaachwattamtañ. <sup>14</sup>Porque yíp naxyucmi da tanaif tum attebet jém dápíc cuyajpa. Pero tananjojótámpa jém attebet jém miñpáppic ocmi. <sup>15</sup>Jeeyucmi wi iga seguido tañcujíptámpa Dios por medio de Jesucristo. Cuando tañcujíppa Dios jex juuts tanchiiba tum sacrificio. <sup>16</sup>Odoy jamnooti iga inñiwadáypa jém inñiwitam iga inñoxpátyajpa con ífam iniif. Siiga inñwatpa así jex juuts tum sacrificio jém iwianjampáppic Dios.

<sup>17</sup>Cupici jém pastoryaj jém miñmadaypáppic jém Dios inñamti. Jiici iga miñjacpa porque Dios iccám juuts tum anjagooyi iga miwadáypa cuenta jém inñanama. Núcpa jama iga Dios iciipinpa jém pastor siiga iwianjacne. Jesic maymay jém pastor siiga wiap inñímáy Dios iga inñiwatne. Pero siiga da inñiwatne, jesic anyácpa

jém pastor. Siiga da inñcupicpa, jesic dáfim wi para mimich.

<sup>18</sup>Anñwejpáttaami Dios para aichfam. Anñwijodoñtam iga da síp ammalwat. Siempre anñwatpa juuts tum wibic pixiñ. <sup>19</sup>Mañcunucsáypa iga inñwejpáttamiñ Dios para aich iga Dios inñicpa iga da jáyñe asetpa eybic juif miifá.

#### Anquímuyajta jém pixiñtam

<sup>20</sup>Siip Dios jém tachiñnewiip jém wibic jixi tánanamanjom, jém icpisnewiip tánOmí Jesucristo de juif íf jém caaneyajwiip, je jém miñpic pastor, tawatpa cuenta juuts taborrego, ítegáy inñipiñ iga tawadáy jém jomipic trato jém dápíc cuyajpa, <sup>21</sup>yíptim Dios miyoxpáttámpa iga michíyíñ juuts tum wibic mipixiñ iga da íf mifogóyáypa. Jesic wiap inñwat ítumpiy cosa juuts je ixunpa por medio de Jesucristo jém tañcujíptampáppic siempre. Amén.

<sup>22</sup>Mantiwitam, mañcunucsáypa iga yaachiiyi iga manañquímpa con yíp anñamti, porque da juchan manjáyáy yíp toto. <sup>23</sup>Jodónají iga jém tantíwi Timoteo cutsigayñetawum. Siiga jobíftim núcpa yim anwagananicpa cuando nicpa mánamta mimichfam.

<sup>24</sup>Dioschífaami ítumpiy jém pastor jém miñmadaytampáppic jém Dios inñamti y ítumpiy jém tantíwítam jém icupicneyajwiip Cristo. Jém miññeyajwiip de jém naxyucmi Italia micutsadaytámpa wati Dios.

<sup>25</sup>Dios miwíwadaytámiñ inñtumpiyfam. Amén. Jemum cuyaj.